



Internacional



Yobida pisa a pone sero den movecion

Pueblo dera bao lodo y piedra

LIMA--Mitar di e Pueblo di San Miguel a desaparece bao lodo y piedra den un di e dramaman grandi cu naturaleza por origina.

Na San Miguel, cu ta keda na e parti Noordoost di Peru, por lo menos 21 persona a perde nan bida, mientras cu 200 ainda ta perdi. Alrededor di 300 familia a keda sin un dak ariba nan

cabes, manera oficialmente a worde participa.

E drama a origina despues di awacero pisa, cu a pone e suelo na ceronan den movecion y a produci avalancha di piedra y lodo, cu a cubri mas di mitar di e pueblo.

Segun sobrevivientenan e rio Mayo tambe a desborda a base

di e yobidan pisa y a ranca diferente casita bay cune.

Protectorman di medio ambiente a bisa cu e cantidad di avalanchanan na Peru ta resultado di e hecho cu den ceronan cantidad grandi di matanan ta worde destrui y selva ta desaparece. Esey ta haci cu nada ta stroba awacero di causa destruccion.

Ehercito di Alemania Oriental ta spat for di otro

BRUSELAS--E ehercito di Alemania Oriental, cu te cu algun luna pasa tabata e orguyo di e Pacto di Warschau, ta spat for di otro. For di momento di caida di muraya di Berlin, sigui pa desertacion masal y salida pa Occidente, e ehercito a reduci su mes cu casi mitar di 173 Mil persona te alrededor di 90 Mil, segun fuentenan di NAVO.

Cierto unidadnan a worde saca oficialmente di servicio pa asina yena buraconan den industria. Otronan a dicidi di bao Occidente, mientras un grupo di milutar a prefera di bira campesino y ta considera trabao den ehercito como inutil.


"E conocido disciplina Aleman a desaparece," a worde bisa. Siman pasa un grupo di

militar a nenga di participa na un ehercicio cu 380 Mil militar Ruso, cu ainda ta na Alemania Oriental. Oficialnan a bay Alemania Occidental pa uni nan mes na ehercito di e pais aki.

Mientras realizacion di un Alemania Uni ta yega mas cerca y un fin ta acerca tambe pa 40 aña di Comunismo, militarnan ta sinti nan mes perdi.

Retiro di tropanan lo reanuda

LA HABANA -- E retiro di tropanan cubano for di Angola lo wordo reanuda Diadomingo awor. Esaki autoridadnan cubano y angoles a dicidi den un reunion den e capital angoles Luanda, asina e agencia di prensa cubano Prensa Latina a informa Diamars.



Nos kier a gradici: IRMA WINTERDAAL

Antonio Petit, Sichi Wong, Clifton Ahlip, Roland Arends, Jolanda Petit, Alfa & Gaby's, Aco's Upholstery, Cecilia Mercado, Rosa Briezen, Mark Vlaun, Sherwin Richardson, Fernando Hodge, Mario Angela y Martica Arends. DANKI na e personanan aki, nos Roadpiece a worde realisa y a gana Premio Historico na San Nicolas Hopi Danki Siegfrieda y Gloria.

Mi tin Dios pa wardador
pues mi no tin falta di nada

Cu honda pena pero conforme cu Dios su voluntad nos ta participa fayecimento cristianamente di

Sra. JUANA EVANGELISTA CROES-KOCK

(mihor conoci como Lita)
na edad di 86 aña

Na number di su esposo Claudio Croes

Su yiu Simon Croes

Su ruman Valerio (Juchi) Kock y familia

subrino y subrinanan, primo y primanan, tanta y omonan, ihanan, su comer, su cuña y demas familianan:

Kock, Croes, Albertsz, Angela, Koolman, Lampe, Geerman, Trimon, Quandus, Maduro y demas familianan ta invita tur amigo bisia y conociman pa asisti na e acto di entierro cual lo tuma lugar Diahuebs 1 di Maart pa 4.30 or di atardi saliendo for di cas Sta. Cruz 136 pa iglesia imaculada concepcion y despues pa santana catolico na Santa Cruz.

Agencia Funeraria del Pueblo ta extende su mas hondo condolencia na e familianan di e fayecida.



Dichoso ta esnan cu ta drumi den reino di Señor
Cu nos Sherry, Descansa na Paz

GRADICIMENTO/INVITACION

Na number di su mama y tata

Imelda y Tintchi Boekhoudt-Arends

y demas familia, amigo y colegas, kier a gradici tur esnan cu di un manera of otro a muestra nan atencion y sosten den e oranan duru di su fayecimento tragico, y na ora di entierro di nos difunto stima

SHERINA MICHELINA ARENDS

Muy en especial esnan cu a manda flor, krans, telegram

Na Yolanda Wever y tur esnan di Mementomori Funeral Home pa e trata fantastico ricibi.

Na Eity Toppenberg, Gina Angela y Gordon Disco pa e misa tan bunita pa nos yiu.

Alavez nos ta invita pa oracion di rosario pa 7'or di anochi na cas, Pos Chiquito 19 B cuminzando Diahuebs 1 di Maart 1990.

Cu Dios bendiciona tur esnan cu a yuda nos yiu stima den su ultimo dianan cu nos.

BUDAPEST--Hungria y Rusia dia 10 di maart lo firma un acuerdo pa retiro completo di tur militar Ruso, estaciona na Hungria.

Hungria kier pa e aña aki mes tur tropa keda retira. Ya e retiro a cuminsa. Aña pasa 10 Mil militar a regresa Rusia y a resta 50 Mil militar na e pais.

A construction company is looking for a

Secretary

with administrative skills.

Requirements:

- * Good knowledge of English
- * Bookkeeping

Salary according to credentials.

To apply, please contact:

Mr. Jeff or Bill Grueninger at tel. no. 32700.